

<><><><><><>

Headlines

- गृह मंत्री अमित शाह होरें भारत पोल पोर्टल दी शुरूआत कीती। एहदे राएं अंतरराष्ट्रीय सतह पर कनून नाफिज करोआने च सहायता होग।
- उपराज्यपाल मनोज सिन्हा होरें जम्मू-कश्मीर पुलस गी सुरक्षा ते बन्ने पारा होने आहली साइबर चुनौतिएं कन्नै निब्वडने लेई टेक्नॉलोजी गी होर बेहतर करने लेई आखेआ।
- मुख् चुनांऽ आयुक्त होरें आखेआ जे बडगाम ते नगरोट्टा बारै उप-चुनाएं दी घोषणा मगरा कीती जाग।
- रेलवे सुरक्षा सरबन्धी आयुक्त होरें USBRL परियोजना दे कटडा-रियासी सेक्शन दा जायजा लैता।
- उप-मुख्यमंत्री सुरेंद्र चौधरी होरें जम्मू-कश्मीर दे ग्रामीण इलाकें च सेहत सुविधाएं गी बेहतर बनाने दी सरकार दी बचनबद्धता गी फही पक्का कीता।

<><><><><><>

HM-Bharatpol

केंद्री गृह मंत्री अमित शाह होरें अज्ज नमीं दिल्ली च केंद्री अन्वेंशण ब्यूरो आसेआ विकसित भारत पोल पोर्टल दा शुभारम्भ कीता। भारतीय पोल पोर्टल दा उद्देश्य इंटरपोल दे माध्यम कन्नै अंतरराष्ट्रीय मदद आस्तै सब्बनें बिनतियें पर कार्रवाई गी सुव्यवस्थित करना ऐ जेदे च रेड नोटिसें ते बाकी इंटरपोल नोटिसें गी जारी करना शामिल ना। गृह मंत्री अमित शाह होरें इस मौके पर अपने संबोधन च आखेआ जे भारत पोल अंतरराष्ट्री जांच गी नमें युग च लेई जाग। उनें आखेआ जे हुन जांच एजेंसियां जरूरी जानकारी लैने लेई इंटरपोल कन्नै जुड़ी सकंगन। अमित शाह होरें आखेआ जे एहदे कन्नै आतंकवाद कन्नै जुड़े दे अपराधें ते मादक पदार्थें, हथियारें ते मानव तस्करी कन्नै सरबन्धत रखने आहले मामलें गी बनेइने च मदद मिलोग।

<><><><><><>

Union Health Minister

केंद्री सेहत मंत्री जगत प्रकाश नड्डा होरें आखेआ ऐ जे HMPV नमां वायरस नेई ऐ ते इसी लेइयै चिंता करने दी कोई लोड़ नेई ऐ। नड्डा होरें सोशल मीडिया पर इक्क वीडियो संदेश च आखेआ जे HMPV वायरस दी सब्बने कोला पैहलें पंशान 2001 च कीती गेई ही ते एह कई बरें दा दुनिया च फैला करदा ऐ। उनें आखेआ जे HMPV हवा दे राहें साहू दे जरिये फैलदा ऐ ते सब्बनें उम्मी दे लोकें गी प्रभावित करी सकदा ऐ। नड्डा होरें एहू बी आखेआ जे देशे दी सेहत प्रणालियां ते निगरानी नेटवर्क सतर्क न ते सेहत सरबन्धी कुसै बी उभरने आहली चुनौती कन्नै निपटने दी तैयार सुनिश्चित कीता जा करदी ऐ।

<><><><><><>

LG-Technology

उपराज्यपाल मनोज सिन्हा होरें अज्ज आधुनिक प्रौद्योगिकी, जेदे च सुरक्षा परिदृश्य गी नमां रूप देने च ए.आई उपकरण शामिल न, दी परिवर्तनकारी भूमिका पर जोर दिता। उपराज्यपाल होरें एहू गल्ल प्रोबेशनर डिप्टी एस.पी.जी दी पासिंग आउट परेड गी संबोधित करदे होई आक्खी। पासिंग आउट परेड दा सरिस्ता पुलस अकेडमी उधमपुर च कीता गेदा हा। मनोज सिन्हा होरें अग्गे आखेआ जे दुष्प्रचार ते डीप फेक जनेइयें चुनौतियें कन्नै निब्वडने लेई जम्मू-कश्मीर पुलस गी आखेआ जे ओहू उनत तकनीकें दा इस्तेमाल करन। उनें आखेआ जे नमीं तकनीकें दा इस्तेमाल करियै साइबर मामलें कन्नै बी निब्वडेया जाई सकदा ऐ। इस मौके पर उपराज्यपाल होरें जम्मू-कश्मीर पुलिस आसेआ राष्ट्रीय एकता ते नागरिकें दी सुरक्षा गी यकीनी बनाने लेई ओहनी सराहना कीती।

<><><><><><>

ECI-By Polls

भारतीय निर्वाचन आयोग नै बडगाम ते नगरोटा विधानसभा हल्कें लेई उपचुनाऽ गी खराब मौसम दे चलदे टालने दी घोषणा कीती ऐ। मुख् चुनाऽ आयुक्त राजीव कुमार होरें अजज नमीं दिल्ली च इक्क प्रेस वार्ता दौरान आखेआ जे बडगाम ते नगरोटा विधानसभा हल्कें दे उपचुनाऽ कराने आस्तै आयोग कोल 20 अप्रैल तगर दी समें सीमा मौजूद ऐ। बडगाम सीट मुख्मंत्री उमर अब्दुल्ला होरें छोड़ी दिती ही ते नगरोटा सीट भारतीय जनता पार्टी दे सीनियर नेता देवेन्द्र सिंह राणा हुंदी मौत होई जाने करी खाल्ली होई गेई ही। सीट खाली होने दी तरीक शा लेइयै 6 महीनें दे अंदर-अंदर उपचुनाऽ होना लाजमी होई जंदा ऐ।

<><><><><><>

Nepal

नेपाल च अज्ज बडले आए दे भूझाल करी घटोघट्ट 93 लोकें दी मौत होई गेई ऐ ते 130 लोक घायल होए न। रिक्टर पैमाने पर इसदी तीव्रता सत्त अशारिया इक मापी गेई। भूझाल दा केंद्र नेपाल सीमा कश तिब्बत दे जिजांग च हा। भूझाल करी बिहार, पश्चिम बंगाल, सिक्किम सनें उत्तर भारत दे किश हिस्सें च बी झटके महसूस कीते गए। बिहार दे किश हिस्सें च तेज झटके महसूस कीते गए, जिदे करी घबराईऐ लोक अपने घरे सोयां बाहर निकली आए।

<><><><><><>

CRS Rail Inspection

रेलवे सुरक्षा कमिशनर दिनेश चंद देशवाल हुंदी अगुवाई च अज्ज उधमपुर श्रीनगर-बारामूला प्रोजैक्ट दे कटड़ा-रियासी सैक्शन दी आजमाइश कीती गेई। एहू निरीक्षण इस महत्वपूर्ण रेल खंड दी प्रगति, सुरक्षा मानकें ते संचालन दी तैयारी दे मूल्यांकन पर केंद्रित हा। रेलवे सुरक्षा कमिशनर होरें ट्रैक संरचना, टनलें, पुलें ते स्टेशनें दी समीक्षा कीती। सी.आर.एस दी टीम नै वरिष्ठ रेलवे अधिकारियें, इंजीनियरें ते प्रोजैक्ट कन्नै जुड़े दे हितधारकें कन्नै गल्ल करदे होई उनेंगी सुरक्षा पहलुएं पर ध्यान देने लेई जोर पाया। सी.आर.एस नै हुन तगर दी प्रगति पर संतोष जाहिर कीता। स्हाळे जिला संवाददाता कन्नै गल्ल करदे होई सी.आर.एस दिनेश चंद देशवाल होरें आखेआ।

<><><><><><>

Dy. CM Rural

उपमुख्यमंत्री सुरेंद्र चौधरी होरें आखेआ ऐ जे सरकार जम्मू-कश्मीर दे लोकें गी बेहतर सेहत स्थूलतां उपलब्ध करोआने लेई बचनबद्ध ऐ ते खास तौर पर ध्यान ग्रामीण ते दूर दरेडे इलाकें आहली भेठा ऐ। उनें एहू गल्ल सुंदरबनी ते नौशहरा च उप जिला अस्पताल दे चला'रदे निर्माण कम्मै दा जायजा लैदे होई आक्खी। उनें अधिकारिऐं गी हिदायत कीती जे ओहू कम्मै दी रफ्तार गी तेज करन ते सारे कम्मै गी मिथे गेदे समें अंदर सबूरा करन। 50 बिस्तरें दी समर्थ आहले सुंदरबनी अस्पताल पर 18 करोड़ 57 लक्ख रपे ते 100 बिस्तरें दी समर्थ आहले नौशहरा अस्पताल दा दर्जा बदाने पर 18 करोड़ 8 लक्ख रपे दी औग। मेद ऐ जे एहू दवै 2025 तगर पूरे होई जाडन। उप मुख्यमंत्री हारें सब्बनें गी आपूं चै नेडमा तालमेल बनाने लेई आखेआ।

<><><><><><>

Mission-Yuva

मिशन युवा प्रोग्राम बारे जागरूकता पैदा करने दे मकसद कन्नै राजौरी दे डिप्टी कमिशनर अभिषेक शर्मा होरें राजौरी दे डाक बंगले थ्वां इक जागरूकता रैली गी रवाना कीता। एहदा मकसद युवाएं गी आत्म निर्भर बनाना ऐ। स्टाडे जिला संवाददाता कन्नै गल्ल करदे होई राजौरी दे डिप्टी कमिशनर होरें आखेआ।

<><><><><><>

Weather

मौसम विभाग नै अज्जै कोला लेइयै 10 तरीक तोड़ी मौसम आम तौरा पर बदलोखड़ा रौहने दी पेशनगोई कीती ऐ ते समूलची कश्मीर घाटी च घटोघट्ट तापमान सीफर डिग्री दे कोलकाल गै बने दा ऐ। जम्मू श्रीनगर राष्ट्रीय जरनैली शिड़क पर दौनें बक्खी थमां गड्डिएं दी आओजाई लेई खुल्ली ऐ। राजौरी पुंछ गी कश्मीर घाटी कन्नै जोड़ने आली एतिहासक मुगल रोड बी गड्डिएं दी आओजाई लेई अज्ज उपरोतली 11में रोज बी बंद ऐ। उआं लोकें गी इतलाहू दिक्ती गेई ऐ जे ओहू राष्ट्रीय जरनैली शिड़क दी स्थिति बारे जानकारी हासल करने परैंत गै सफर शुरू करन।

<><><><><><>

DC-Doda Road

डोडा जिला प्रशासन आसेआ सैलानिएं गी आकर्षित करने आस्तै गुल डंडा आहली शिड़क गी साफ कीता गेआ ऐ। सीमा सड़क संगठन कन्नै रलिए जिला प्रशासन कम्मै पर लग्गे दा ऐ तां जे यात्रा गी सुरक्षित बनाया जाई सकै। शिड़क थ्वां बर्फ हटाई जा'रदी ऐ। लून खलारने दा कम्म कीता जा रदा ऐ। डोडा दे डिप्टी कमिशनर हरविंदर सिंह होरें इनें जत्तें दे महत्व गी उजागर कीता। एहदे कन्नै सैलानिएं गी आकर्षित कीता जाई सकदा ऐ ते जेदे कन्नै मुकामी अर्थ बवस्था गी बढ़ावा थ्होग। उनें आखेआ।

<><><><><><>